





中興以來絕妙詞選卷之六

宋詞

馬莊父

字子嚴建安人

自號古洲居士

水龍吟爲陳坂種玉庄作

買庄爲貯梅花玉妃一萬森庭戶古來詞客比方不  
類可憐毫楮誰掃塵凡獨超物表神仙中取是崑丘  
標致姑山風骨除此外吾誰與○九醞醖雪乳和  
金盤月邊清露壽陽驕駃單于踈賤不堪充數弄玉  
排簫許瓊揮拍胎禽飛舞待先生披看羊裘鶴縵作



園林主

水龍吟 海棠

東君直是多情好花一夜都開盡杏梢零落藥欄遲  
暮不教寧靜風度秋千日移簾幕翠紅交映正太真  
浴罷西施濃抹都沈醉嬌相稱○磨遍綠窓銅鏡挽  
春衫不堪比並暮雲空谷佳人何處碧苔侵逕睡裏  
相看酒邊凝想許多風韻問因何却欠一些香味惹  
傍人恨

臨江仙 上元

人意舒閑春事到徐<sub>二</sub>弄日微雲翠鬟飛繞鬧蛾羣

烟橫沽酒市風轉落梅村○歲事一新人半舊相逢  
際晚熏<sub>二</sub>花間亭館柳間門尅除風雨外排日醉紅  
裙

月華清 憶別

瑟<sub>二</sub>秋聲蕭<sub>二</sub>天籟滿庭搖落空翠數遍丹楓不見  
葉間題字人何處千里嬋娟愁不斷一江流水遙睇  
見征鴻幾點碧天無際○悵望月中仙桂問竊藥佳  
人誰與同歲把鏡當空照盡別離情意心裏恨莫結  
丁香琴上曲休彈秋思怕裏又悲來老却蘭臺公子

賀聖朝 春遊



詞選卷之六  
遊人拾翠不知遠。被子規呼轉。紅樓倒影背斜陽。墜  
幾聲絃管。○荼蘼香透。海棠紅淺。恰平分春半。花前  
一笑不須慳。待花飛休怨。

魚遊春水 怨別

池塘生春草。數盡歸鴻人未到。天涯目斷。青鳥尚賒  
音耗。曉月頻窺白玉堂。暮雨還濕青門道。巢燕引雛  
乳。鶯空老。○庭際香紅倦掃。鵲休來枝上噪。前回  
準擬同它翻。成病了。欲題紅葉憑誰寄。獨抱孤桐無  
心挑。眉間翠攢鬢邊霜早。

海棠春 春景

柳腰暗怯花風弱。紅映秋千院落。歸逐燕兒飛斜。撼  
真珠箔。○滿林翠葉。胭脂萼。不忍頻覩。覩着護取一  
庭春。莫彈花間鵲。

鷓鴣天

閨思

睡鴨裊回烟縷長。日高春困不成粧。步歌草色金蓮  
潤。撚斷花鬢玉笋香。○輕洛浦。笑巫陽。錦紋親織寄  
檀郎。兒家閉戶藏春色。戲蝶遊蜂不敢狂。末二句有  
深意

歸朝懽 春遊

聽得提壺沽美酒。人道杏花深處有。杏花狼籍鳥啼



風十分春色今無九麝煤銷永晝青烟飛上庭前柳  
画堂深不寒不煖正是好時候○團團寶月憑纖手  
暫借歌喉招舞袖真珠滴破小槽紅香肌縮盡纖羅  
瘦投分湏白首黃金散與親和舊且銜盃壯心未落  
風月長相守

孤鶯早春

沙堤香軟正宿雨初收落梅飄滿可奈東風暗逐馬  
蹄輕捲湖波又還漲綠粉墻陰日融烟煖驀地刺桐  
枝上有一聲春喚○任酒帘飛動画樓晚便指數燒  
灯時節非遠陌上叫聲好是賣花行院玉梅對粧雪

柳開蛾兒象生嬌顫婦去爭先戴取倚宝釵雙燕

阮郎歸西湖春暮

清明寒食不多時香紅漸稀番騰粧束鬧蘇堤留  
春<sub>二</sub>怎知○花褪雨絮沾泥凌波寸不移三<sub>二</sub>兩<sub>二</sub>  
叫舡兒入婦春也婦

姜堯章

名夔號白石道人 中興詩家名流詞

極精妙不減清真樂府其間高處有美

成所不能及善吹簫自製曲初則率意為長短

句然後協以音律云居鄱陽

探春慢過茗雪別鄭次臯諸君



衰草愁烟亂鴉送日風沙回旋平野拂雪金鞭欺寒  
茸帽還記章臺走馬誰念漂零久謾羸得幽懷難寫  
故人清沔相逢小窓閑共情話○長恨離多會少重  
訪問竹西珠淚盈把鴈磧沙平漁汀人散老去不堪  
遊冶無奈茗溪月又喚我扁舟東下甚日歸來梅花  
亂零春夜

一萼紅 人日長沙登定王臺

古城陰有官梅幾許紅萼未宜簪池面冰膠牆腰雪  
老雲意還又沉二翠藤共閑穿徑竹漸笑語驚起卧  
沙禽野老林泉故王臺榭呼喚登臨○南去北來何

事蕩湘雲楚水目極傷心朱戶黏雞金盤簇燕空嘆  
時序侵尋記曾共西樓雅集想垂柳還裊萬絲金待  
得歸鞍到時只怕春深

楊州慢 中呂宮

淳熙丙申至日余過維揚夜

雪初霽齊齊交弥望入其城則四顧蕭條寒水  
自碧暮色漸起戍角悲吟予懷愴然感慨今  
昔因自度此曲千岩老人以為有黍離之悲  
也○此後凡載宮調者並是自製曲

淮左名都竹西佳處解鞍少駐初程過春風十里盡  
齊麥青二自胡馬窺江去後廢池喬木猶厭言兵漸



黃昏清角吹寒都在空城○杜郎俊賞算如今重到  
須驚縱豈寇詞工青樓夢好難賦深情二十四橋仍  
在波心蕩冷月無聲念橋邊紅藥年二知爲誰生

驀山溪題錢氏溪月

與鷗爲客綠野留吟屐兩行柳垂陰是當年仙翁手  
植一亭寂寞烟外帶愁橫荷蕀二展涼雲橫卧虹千  
尺○才因老盡秀句君休覓萬綠正迷人更愁入山  
陽夜笛百年心事惟有玉欄知吟未了放舡回月下  
空相憶

點絳脣丁未冬過吳松

燕鴈無心太湖西畔隨雲去數峯清苦商畧黃昏雨  
○第四橋邊擬共天隨住今何許凭闌懷古殘柳參  
差舞

暗香仙呂宮辛亥之冬予載雪詣石湖止既

月換簡索句且徵新聲作此兩曲石湖把玩  
不已使工妓隸習之音節諧婉乃命之曰暗  
香疎影

舊時月色算幾番照我梅邊吹笛喚起玉人不管清  
寒與攀摘何遜而今漸老都忘却春風詞筆但怪得  
竹外疎花香冷入瑤席○江國正寂二嘆寄與路遙



言選卷六  
夜雪初積翠尊易泣紅萼無言耿相憶長記曾携手  
處千樹壓西湖寒碧又片<sub>二</sub>吹盡也幾時見得

疎影仙呂宮

苔枝綴玉有翠禽小<sub>二</sub>枝上同宿客裏相逢籬角黃  
昏無言自倚脩竹昭君不慣胡沙遠但暗憶江南江  
北想珮環月夜歸來化作此花幽獨○猶記深宮舊  
事那人正睡裏飛近蛾綠莫侶春風不管盈<sub>二</sub>早與  
安排金屋還教一片隨波去又却怨玉龍哀曲等恁  
時重覓幽香已入小窓橫幅

長亭怨慢中呂宮桓大司馬云昔年種柳依<sub>二</sub>

漢南今看搖落悽愴江潭樹猶如此人何以  
堪此語予深愛之

漸吹盡枝頭香絮是處人家綠深門戶遠浦縈回暮  
帆零亂向何許閱人多矣誰得侶長亭樹<sub>二</sub>若有情  
時不會得青<sub>二</sub>如此日暮○望高城不見只見亂山  
無數韋郎去也怎忘得玉環分付第一是早<sub>二</sub>歸來  
怕紅萼無人爲主算只有并刀難剪離愁千縷

齊天樂

蟋蟀中都呼爲促織

庾郎先自吟愁賦淒<sub>二</sub>更聞私語露濕銅鋪苔侵石  
井都是曾聽伊處哀音似訴正思婦無眠起尋機杼



曲<sup>二</sup>屏山夜涼獨自甚情緒○西窓又吹暗雨爲誰  
頻斷續相和砧杵候館吟秋離宮吊月別有傷心無  
數幽詩謾與笑籬落呼灯世間兒女寫入琴絲一聲  
<sup>二</sup>更苦宣政間有士大夫製蟋蟀吟

小重山令

潭州紅梅

人繞湘臯月墜時斜橫花樹小浸愁漪一春幽事有  
誰知東風冷香遠茜裙歸○鷗去昔遊非遙憐花可  
<sup>二</sup>夢依<sup>二</sup>九疑雲杳斷魂啼相思血都沁綠筠枝

鷓鴣天

元夕不出

憶昨天街預賞時柳慳梅小未教知而今正是歡遊

夕却怕春寒自掩扉○簾寂<sup>二</sup>月低<sup>二</sup>舊情唯有絳  
都詞芙蓉影暗三更後卧聽鄰娃笑語歸

鷓鴣天

茗溪記所見

京洛風流絕代人因何風絮落溪津籠鞋淺出鴉頭  
鞮知是凌波縹緲身○紅乍笑綠長嚔與誰同度可  
憐春鴛鴦獨宿何曾慣化作西樓一縷雲

鷓鴣天

十六夜出

輦路珠簾兩行垂千枝銀燭舞燄<sup>二</sup>東風歷<sup>二</sup>紅樓  
下誰識三生杜牧之○歡正好夜何其明朝春過小  
桃枝鼓聲漸遠遊人散惆悵歸來有月知



言邊卷六  
憶王孫番陽彭氏小樓

冷紅葉<sub>二</sub>下塘秋長與行雲共一舟零落江南不自  
由兩綢繆料得吟鴛夜<sub>二</sub>愁

湘月<sub>二</sub>双調即念奴嬌之鬲指聲也

五湖舊約問經年底事長負清景暝入西山漸喚我  
一葉夷猶乘興倦網都收歸禽時度月上汀洲冷中  
流容與画撓不點清鏡○誰解喚起湘靈煙鬟霧鬢  
理哀絃鴻陣玉塵談玄歎坐客多少風流名勝暗柳  
蕭<sub>二</sub>飛星<sub>二</sub>夜<sub>二</sub>知秋信<sub>二</sub>魚應好舊家樂事誰  
省

念奴嬌吳興荷花

鬧紅一舸記來時長與鴛鴦爲侶三十六陂人未到  
水佩風裳無數翠葉吹涼玉容銷酒更洒菰蒲雨嬌  
然搖動冷香飛上詩句○日暮青蓋亭<sub>二</sub>情人不見  
爭忍凌波去只恐舞衣寒易落愁入西風南浦高柳  
垂陰老魚吹浪留我花間住田<sub>二</sub>多少幾回沙際歸  
路

惜紅衣吳興荷花無射宮

簾枕邀涼琴書換日睡餘無力細洒水泉并刀破甘  
碧墻頭喚酒誰問訊城南詩客岑寂高樹晚蟬說西



詞選卷六  
風消息○虹梁水陌魚浪吹香紅衣半狼藉維舟試  
望故國渺天北可惜柳邊沙外不共美人遊歷問甚  
時同賦三十六陂秋色

琵琶仙 吳興感遇

雙槳來時有人侶舊曲桃根桃葉歌扇輕約飛花蛾  
眉正奇絕春漸遠汀洲自綠更添了幾聲啼鴉十里  
揚州三生杜牧前事休說○又還是宮燭分煙奈愁  
裏匆<sub>二</sub>換時節都把一襟芳思與空階榆莢千萬縷  
藏鴉細柳爲玉尊起舞回雪想見西出陽關故人初  
別

秋宵吟 越調

古簾空墜月皎坐久西窓人悄蛩吟苦漸漏永丁<sub>二</sub>  
箭壺催曉引涼颼動翠葆露脚斜飛雲表因嗟念侶  
去國情懷暮晚煙草○帶眼銷磨爲近日愁多頓老  
衛娘何在宋玉歸來兩地暗縈繞搖落江楓早嫩約  
無憑幽夢又杳但盈<sub>二</sub>泪洒單衣今夕何夕恨未了

少年遊 歲時張斗甫

雙螺未合雙蛾先斂家在碧雲西別母情懷隨郎滋  
味桃葉渡江時○扁舟載了匆<sub>二</sub>去今夜泊前溪楊  
柳津頭梨花牆外心事兩人知



鬲溪梅令仙呂調無錫婦寓意

好花不與殢香人浪粼。又恐春風歸去綠成陰。玉  
鈿何處尋。○木蘭雙槳夢中雲。小橫陳。謾向孤山  
下覓盈。翠禽啼一春。

淒涼犯

仙呂調犯商調

合肥秋夕

綠楊巷陌西風起。邊城一片離索。馬嘶漸遠人歸甚  
處。戍樓吹角。情懷正惡。更衰草寒煙淡薄。侶當時將  
軍部曲。迤邐度沙漠。○追念西湖上。小舫携歌。晚花  
行樂。舊遊在否。想如今翠凋紅落。謾寫羊裙等新鴈  
來時。繫着怕匆匆。不肯寄與。悞後約。

翠樓吟

双調

武昌安遠樓成

月冷龍沙。塵清虎落。今年漢酺初賜。新翻胡部曲。聽  
氈幕元戎歌吹。層樓高峙。看檻曲縈紅。簷牙飛翠。人  
姝麗。粉香吹下。夜寒風細。○此地宜有詞仙。擁素雲  
黃鶴與君遊戲。玉梯凝望久。歎芳草萋萋。千里天涯  
情味。仗酒祓清愁。花嬌英氣。西山外。晚來還捲一簾  
秋霽。

清波引

梅

冷雲迷浦。倩誰喚玉妃起舞。歲華如許。野梅弄眉嫵  
屐齒印蒼蘚。漸爲尋花來去。自隨秋鴈南來。望江國



言邊卷六  
渺何處。○新詩謾與好風景。長是暗度故人知否。抱  
幽恨。難語何時共。漁艇莫負滄浪煙雨。況有清夜啼  
猿。怨人良苦。

法曲獻仙音

張彥功官舍

虛閣籠寒。小簾通月。暮色偏憐高處。樹隔離宮。水平  
馳道。湖山盡入尊俎。奈楚客淹留久。砧聲帶愁去。屢  
回顧。○過秋風未成歸計。誰念我重見。冷楓紅舞。喚  
起淡粧人。問逋仙。今在何許。象筆寫牋甚而今不道  
秀句。怕平生幽恨。化作沙邊煙雨。

玲瓏四犯

越中歲暮聞簫鼓感懷

疊鼓夜寒。垂灯春淺。匆匆二時事如許。倦遊歡意少。俛  
仰悲今古。江淹又吟恨賦。記當時送君南浦。萬里乾  
坤百半身世。惟有此情苦。○揚州柳垂官路。有輕盈  
喚馬端正。窺戶酒醒明月下。夢逐潮聲去。文章信美  
知何用。謾贏得天涯羈旅。教說與春來。要尋花伴侶。

淡黃柳

正平調近

客合肥

空城曉角。吹入垂楊陌。馬上單衣寒惻惻。看盡鵝黃  
嫩綠。都是江南舊相識。正岑寂。○明朝又寒食。強携  
酒小橋宅。怕梨花落盡。成秋色。燕飛來。問春何在  
唯有池塘自碧。



側犯 詠芍藥

恨春易去甚春却向揚州住微雨正繭栗梢頭弄詩  
句紅橋二十四摠是行雲處無語漸半脫宮衣笑相  
顧○金壺細葉千朶圍歌舞誰念我鬢成絲來此共  
尊俎後日西園綠陰無數寂寞劉郎自修花譜

眉嫵亦名百宜嬌 戲張仲遠

看垂楊連苑杜若吹沙愁損未歸眼信馬青樓去重  
簾下娉婷人妙飛燕翠尊共款聽艷歌郎意先感便  
携手月地雲堦裏愛良夜微燠○無限風流疎散有  
暗藏弓履偷寄香翰明日聞津鼓湘江上催人還解

春纜亂紅萬點悵斷菟煙水遙遠又爭侶相携乘一  
舸鎮長見

石湖仙 越調 壽石湖居士

松江煙浦是千古三高遊衍佳處須信石湖仙侶鷗  
夷翩然引去浮雲安在我自愛綠香紅舞容與看世  
間幾度今古○盧溝舊曾駐馬爲黃花閑吟秀句見  
說胡兒也學綸巾歌雨玉友金蕉玉人金縷緩移箏  
柱聞好語明年定在槐府

解連環

玉鞍重倚却沉吟未上又縈離思爲大喬能撥春風



小喬妙移箏鴈啼秋水柳怯雲鬆更何必十分梳洗  
道郎携羽扇那日隔簾半面曾記○西窓夜涼雨霽  
歎幽歡未足何事輕棄問後約空指薔薇算如此溪  
山甚時重至水驛灯昏又見在曲屏近平聲底念惟  
有夜來皓月照伊自睡

玉梅令

高平調石湖畏寒不出作此戲之

疎雪片散入溪南苑春寒鎖舊家亭館有玉梅幾  
樹背立怨東風高花未吐暗香已遠○公來領客梅  
花能勸花長好願公更健便揉春爲酒剪雪作新詩  
拚一日繞花千轉

踏莎行

金陵感夢

燕輕盈鶯嬌軟分明又向華胥見夜長爭得薄  
情知春初早被相思染○別後書詞別時針線離魂  
暗逐郎行遠淮南皓月冷千山冥二歸去無人管

八歸

湘中送胡德華

芳蓮墜粉疎桐吹綠庭院暗雨乍歇無端抱影銷魂  
處還見篠牆螢暗蘚階蛩切送客重尋西去路問水  
面琵琶誰撥最可惜一片江山揔付與啼鴉○長恨  
相從未款而今何事又對西風離別渚寒烟淡棹移  
人遠縹緲行丹如葉想文君望久倚竹愁生步羅襪



歸來後翠尊雙飲下了珠簾玲瓏閑看月

高賓王

名觀國號竹屋詞名竹屋癡語陳造爲序稱其與史邦卿皆秦周之詞所作要

是不經人道語其妙處少游美成若唐諸公亦未及也

玉胡蝶 秋思

喚起一襟涼思未成晚雨先做秋陰楚客悲殘誰解此意登臨古臺荒斷霞斜照新夢黯微月疎砧難禁盡將幽恨分付孤斟○從今倦看青鏡既遲勲業可負煙林斷梗無憑歲華搖落又驚心想尊汀水雲

愁疑閑蕙帳猿鶴悲吟信沈沈故園歸計休更侵尋

喜遷鶯 秋懷

涼雲歸去再約着晚來西樓風雨水靜簾陰鷗閑菰影秋到露汀煙浦試省喚回幽恨盡是愁邊新句倦登眺動悲涼還在殘蟬吟處○淒楚空見說香鎖霧扃心似秋蓮苦宝瑟彈冰玉臺窺月淺黛可憐偷聚幾時翠溝題葉無復綉簾吹絮鬢華晚念庾郎情在風流誰與

玉樓春 春思

多時不踏章臺路依舊東風芳草渡鶯聲喚起水邊



情日影炙開花上霧○謝娘不信佳期誤認得馬嘶  
迎綉戶今宵翠被不春寒只恐香穠春又去

玉樓春 憶舊

春煙澹 生春水曾記芳洲蘭棹艤岸花香到舞衣  
邊汀草色分歌扇底○棹沈雲去情千里愁壓雙鴛  
飛不起十年春事十年心怕說濺裙當日事

菩薩蠻 蘇堤芙蓉

紅雲半壓秋波急艷粧泣露嬌啼色佳夢入仙城風  
流石曼卿○宮袍呼醉醒休捲西風錦明日粉香殘  
六橋煙水寒

菩薩蠻 水晶簾

玉鱗焚出香凝軟并刀斷處水絲顫紅縷間堆盤輕  
明相映寒○纖柔分勸處膩滑難停筇一洗醉魂清  
真成醒酒冰

菩薩蠻 春思

春風吹綠湖邊草春光依舊湖邊道玉勒錦障泥少  
年游冶時○煙明花似綉且醉旗亭酒斜日照花西  
歸鴉花外啼

杏花天 春愁

霽煙消處寒猶嫩乍門巷惜 畫永池塘夢草魂初



醒秀句吟春未穩○仙源阻春風瘦損又燕子來無  
芳信小桃也自知人恨滿面羞紅難問

祝英臺近

閨思

一牕閑孤燭冷獨自箇春睡綉被熏香不似舊風味  
靜聽滴<sub>二</sub>簷聲驚愁攪夢更不管庾郎心醉○念芳  
意一併十日春寒梅花熬憔悴懶做新詞春在可憐  
裏幾時挑菜踏青雲沈雨斷盡分付楚天之外

生查子

梅

香驚楚驛寒瘦倚湘筠暮一笛已黃昏片月尤清楚  
○沉<sub>二</sub>冰玉魂漠<sub>三</sub>煙雲浦酸淚不成彈又向春心

聚

永遇樂

次韻吊青樓

淺暈脩蛾脆痕紅粉猶記窺戶香斷奩空塵生砌冷  
誰喚青鸞舞春風花信秋宵月約歷<sub>二</sub>此心曾許銜  
芳恨千年怨結玉骨未應成土○木蘭艇子莫愁何  
在謾繫寒江烟樹事逐雲沈情隨佩冷短夢分今古  
一杯遙夜孤光難曉多少碎人腸處空淒黯西風細  
雨盡吹淚去

御街行

賦輶

藤筠巧織花紋細稱穩步如流水踏青陌上雨初晴

高賓王

同是長天

七



嫌怕濕文鴛雙履要人送上逢花須住才過處香風  
起○裙兒挂在簾兒底更不把牕兒閉紅白簇  
花枝恰稱得尋春芳意歸來時晚紗籠引道扶下人  
微醉

霜天曉角

春情

春雲粉色春水和雲濕試問西湖楊柳東風外幾絲  
碧○望極連翠陌蘭橈雙槳急欲訪莫愁何處旗亭  
在画橋側

卜算子

春晚

屈指數春來彈指驚春去簷外蛛絲網落花也要留

春住○幾日喜春晴幾夜愁春雨十二彫牕六曲屏  
題遍傷春句

踏莎行

九日西山

水減堤痕秋生屐齒瘦筇喚起登高意翠微烟冷夢  
淒涼黃花香晚人憔悴○懷古風流悲秋情味紫萸  
勸入旗亭醉玉人相見說新愁可憐又濕西風淚

風入松

春晴

捲簾日恨春陰寒食新晴馬蹄只向南山去長橋  
愛花柳多情紅外風嬌日暖翠邊水秀山明○杜郎  
歌酒過平生到處蓬瀛醉魂不入重城晚穠歡寄桃



葉桃根綉被嫩寒清曉鶯聲喚醒春醒

風入松 聞鄰女吹笛

粉嬌曾隔翠簾看橫玉聲寒夜深不管柔荑冷櫻朱  
度香噴雲鬟霜月搖<sub>二</sub>吹落梅花軟<sub>二</sub>驚殘○蕭郎  
且放鳳簫閑何處驂鴛靜聽三弄霓裳罷魂飛斷愁  
裏關山三十六宮天近念奴却在人間

思佳客 秋扇

入手西風意已秋不須玉斧爲重修撲螢涼夜沉<sub>二</sub>  
月障面清歌澹<sub>二</sub>秋○休棄置且遲留可憐又向篋  
中收莫教暗損乘鸞女漢殿淒涼萬古愁

聲 慢 元夕

壺天不夜宝炬生香光風蕩搖金碧月艷冰痕花外  
峭寒無力歌傳翠簾盡捲誤驚回瑤臺仙跡禁漏促  
排千金一刻未酬佳夕○捲地香塵不斷最得意輸  
它王陵狂客楚柳吳梅無限眼邊春色鮫綃暗中寄  
與待重尋行雲消息乍醉醒怕南樓吹斷曉笛

解連環 春水

浪搖新綠浸芳洲翠渚雨痕初足蕩霽色流入橫塘  
看風外漪<sub>二</sub>皺紋如縠藻荇縈迴似留戀鴛飛鷗浴  
愛嬌雲蘸色媚日授藍遠迷心目○仙源漾舟岸曲



詞選卷六  
照芳容幾樹香浮紅玉記那回西洛橋邊濺裙翠傳  
情玉纖輕掬三十六陂錦鱗渺芳音難續隔垂楊故  
人望斷浸愁千斛

中興以來絕妙詞選卷之六



